



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Provisiones Senectutis, Per Tres
Partes Distributæ - In quibus raræ ac penenecessariæ Veritates, cum
omnibus Christi fidelibus, tum potissimum Gratiarum Cœlestium,
lucrorumque æternorum avidibus, quà theoreticè, quà practicè
proponuntur

Družbicki, Kaspar

Ingolstadii, 1732

VD18 90066391

Stimulus 1. Dei Sanctissima Voluntas.

urn:nbn:de:hbz:466:1-45462

lumen eorum qui in tenebris sunt, eruditorem insipientium, magistrum infantium, habentem formam scientiae & veritatis in lege: qui ergo alium doces, te ipsum non doces; qui in lege gloriari, per prævaricationem legis Deum in honoras.

CLASSIS TERTIÆ

Stimulus 1.

Dei Sanctissima Voluntas.

Pondus æquum voluntas Domini. Hæc est autem voluntas Dei sanctificatio vestra, quæ est autem sanctificatio nostra? Hæc utique quam idem apostolus exponit sic dicens. Quoniam non posuit nos in iram, sed in acquisitionem salutis per Dominum nostrum JESUM Christum, qui mortuus est pro nobis, ut sive vigilemus, sive dormiamus, simul cum illo vivamus. pergit vero addere & enucleatius exponere hunc in modum Dei voluntatem nostramque sanctificationem. Patientes estote ad Ibid. v. 14. omnes, videte, ne quis malum pro malo alicui reddat, sed semper quod bonum est sectamini in invicem, & in omnes. Semper gaudete. Sine intermissione orate. In omnibus gratias agite. Hæc est enim voluntas Dei in Christo JESU in omnibus vobis. Quapropter superest, ut fiat voluntas Dei sicut in cœlo & in terra, superest ut regnet in nobis per omnia, & in omnibus, & semper voluntas Dei bona, beneplacens, & perfecta. Superest, ut in beneplacito voluntatis Dei nostri abunderhus semper magis ac magis in omne opus bonum. Nam quid est aliud sive super terram, sive super cœlum, in quo oporteat nos aut vivere, aut ambulare, aut proficere, aut sanctificari, aut gloriari, præter quam in Domini Dei nostri voluntate beata? Hic est Spiritus Dei. Scriptum

Rom. 12, 2.

1. Thes. 5. 19. ptum est autem. *Spiritum nolite extinguere.* Extinguit illum, qui in Sanctificatione non proficit.

Stimulus II.

Eminentissima Dei Dignitas.

Ta quidem est excelsus & elevatus super omnia & creatura & possibilia Deus noster in Majestate atque Dignitate sua, ut in nullius creaturæ mentem ascendere possit mensura ejus. Quidquid volueris comparare Deo, non illa erit comparatio, sed contumelia atque injuratio, & quidem utriusque. Nam perinde est injuria creaturæ, si Deo comparetur; atque est injuria Dei, si creaturæ conferatur. Deus est & unus atque solus, & non apponetur aliud ad eum. *Beatus & solus potens, Rex Regum, & Dominus Dominantium,* qui solus habet immortalitatem; & lucem habitat inaccessibilem, quem nullus hominum vidit, sed nec videre potest, cui honor & imperium sempiternum. Amen. Hic ergo Deus adeò magnus, adeò excelsus, adeò immensa majestatis & dignitatis delectatur profectibus nostris, & gaudet honorari devotis obsequiis, atque honoribus nostris. Et quanto alius conniti videt creaturam suam ad exaltationem Dignitatis suæ: tanto munificenter condescendit studio ejus, tanto pleniùs se infundit desideriis ejus. Nescit enim, atque etiam nequit, Deus vinci munificentia affectu à creatura sua: sed quando illam magis videt & habet profusam & infatigabilem argumentosamq; in exaltatione & dignificatione Dignitatis suæ: tanto illi facit vicissim obligatores & indulgentiores Misericordias & Dignationes suas. *Quicunque glorificaverit me, glorificabo eum:* protestatio Domini est, neque evanescere potest.

Nunc